



Broj: 09-20-11-2-2220
Sarajevo, 26.09.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

O D L U K U
o poništavanju postupka javne nabavke
Nabavka klima uređaja

I

Poništava se postupak javne nabavke „Nabavka klima uređaja“, a u skladu sa odredbom člana 69. stav (2) tačka d) Zakona o javnim nabavkama, iz razloga što niti jedna zaprimljena ponuda nije formalno pravno ispravna.

II

Za izvršenje Odluke zadužuje se Sektor za materijalno-finansijske poslove.

III

Ova Odluka objaviti će se na internet stranici Federalne uprave policije.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka klima uređaja“, broj Obavještenja o javnoj nabavci: 1412-7-1-214-3-112/22 godine od 15.09.2022. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 6.000,00 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem direktora Federalne uprave policije broj: 09-19/1-30-2-46 od 14.01.2022. godine.

U postupku je utvrđeno da je Komisija u svemu pravilno postupila, te da je preporuka o poništavanju postupka predmetne nabavke, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponude i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da su zaprimljene 2 (dvije) ponude, koje su ujedno i blagovremeno, i to ponuđača: „VD-Mašinske instalacije“ d.o.o. Sarajevo i „IMTEC“ d.o.o. Sarajevo,
- da nije bilo neblagovremeno zaprimljenih ponuda;
- da je Komisija konstatovala da zaprimljenje ponude „VD-Mašinske instalacije“ d.o.o. Sarajevo i „IMTEC“ d.o.o. Sarajevo, formalno-pravno nisu ispravne iz sljedećih razloga:
 - dostavljena ponuda ponuđača „VD-Mašinske instalacije“ d.o.o. Sarajevo nije čvrsto uvezana u skladu sa tačkom 4.2 tenderske dokumentacije,
 - „VD-Mašinske instalacije“ d.o.o. Sarajevo ponuđač nije dostavio kompletnu dokumentaciju traženu tenderskom dokumentacijom i to: aktuelni izvod iz sudkog registra ili izjavu/potvrdu nadležnog organa, izjavu o roku isporuke, izjavu o dostavi garancije banke za dobro izvršenje ugovora, te nije popunio obrazac sa traženim tehničkim specifikacijama za ponuđenu robu niti je dostavio bilo kakve kataloge/brošure sa slikama i detaljnim opisom ponuđene robe a što je jasno traženo tenderskom dokumentacijom,
 - u obrazcima tehničkih specifikacija za stavku pod rednim brojem 3 tražene su minimalne tehničke karakteristike, pa tako je traženo „Hlađenje na otvorenom -15-30“ dok je ponuđač „IMTEC“ d.o.o. Sarajevo, ponudio -15-24 što odstupa od minimalnih traženih tehničkih karakteristika,
 - u obrazcima tehničkih specifikacija za stavku pod rednim brojem 1 traženo je da ponuđeni uređaj posjeduje Wi-fi upravljanje i jonizator zraka, što nije sadržano u dostavljenim katalogima ponuđača „IMTEC“ d.o.o. Sarajevo,
 - u obrazcima tehničkih specifikacija za stavku pod rednim brojem 1 traženo je da je ponuđeni uređaj za kvadraturu prostora do 35 m², što nije sadržano u dostavljenim katalogima ponuđača „IMTEC“ d.o.o. Sarajevo,
 - u obrazcima tehničkih specifikacija za stavku pod rednim brojem 3 traženo je da je ponuđeni uređaj za kvadraturu prostora do 25 m², što nije sadržano u dostavljenim katalogima ponuđača „IMTEC“ d.o.o. Sarajevo,

- da je Komisija ocijenila da ponude ponuđača nisu u skladu sa tenderskom dokumentacijom, kao i da ponuđeni uređaji ne ispunjavaju sve tehničke uslove tražene tenderskom dokumentacijom, te da se za neke stavke nije moglo utvrditi da li ispunjavaju tražene uslove (a što je bilo obavezno u skladu sa tenderskom dokumentacijom)., nakon čega je Komisija dala preporuku o poništavanju postupka.

Iz navedenih razloga, a primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.


ZAMJENIK DIREKTORA
Generalni inspektor policije

Ensad Korman

Dostaviti:

- Sektor za mat. fin. poslove
- ponuđačima
- u spis